



西吳里後四卷

明初本

此書吳興軍雷樞元州達同轉字 四屏在日考錄云
昔有日序亦有其子從後此本始字 孤閑依也錄唐下丸書
本吉望藏書記有此書第三卷乃吳在名手仲是 是此書傳
本一守可和先流成中 正月上吳軍第志記



西吳里語

吳興宋雷著

三吳蘇松爲東吳常潤爲中吳吳興爲西吳

湖州地古曰峒中

晉太康中烏程縣治生蓮花名蓮花閣

吳興舊有慶亭吳孫權射虎於此權射虎時馬爲虎
所傷權校以雙戟虎却常從擊以戈乃獲虎

智永禪師王逸少七代孫克嗣家法居吳興永欣寺
閣三十年臨逸少真草千文八伯本散在浙東諸
寺有秃筆頭十甕每甕皆數石後取筆頭瘞之號

退筆塚自製誌銘人來請書併請題額者如市所
居戶限穴穿乃用鐵葉裹之謂爲鐵門限人曰智
永研作曰到逸少若研穿可到鍾索也其徒智果
會稽人亦居永欣寺隋煬帝甚善之工書銘石其
爲瘦造次難類嘗謂永師曰和尚得右軍骨
得骨

吳興舊名紫金城又名極樂城堤曰平陽地曰餘安
軍曰虎狼

秦有烏氏程氏各善造酒合其姓爲烏程縣烏氏名
巾程氏名林張景暘七命云酒則荆南烏程是也

吳興上若村下若村出美酒蓋取若溪水造之故美
亦名箬溪劉夢得詩云鸚鵡杯中箬下春

在城飛英寺唐忠顓禪師建刺史高湜又改名宋改
今額後僧雲皎自長安來得舍利七粒歸建石塔

藏之神光現於頂又作木塔以籠之紹興中雷震
知州常同獲立後沂王夫人俞氏重脩極爲工緻
南北遊者覽之皆云未之見也蘇子瞻云僕爲吳
興守有遊飛英寺詩曰微雨止還作小牕幽更妍
盆山不見日草木自蒼然非吳越間無此景元趙
子昂畫英寺塔詩云梯巖直上幾百尺俯視曾空

馬背過千里湖山秋色淨萬家烟火夕陽多魚龍
滾滾危舟楫鴻鴈冥冥嗚呼羅誰種山中千樹橘
側身東望洞庭波

唐天寶末德清縣沈朝家母鷺育卵而出腸以死其
雛仰天號切銜芻草母前若祭奠長吁數聲而死
沈氏併其母埋之里名孝鷺塚出寰宇記今云長
興人非是

宋梅聖俞送覺上人歸湖州詩有云子已得袍新蓋
雷相與覺紫衣故云

晉隆安中吳興有人年可二十自號聖公姓謝氏死
已百年忽詣陳氏宅言是已舊宅可見還不爾
汝一夕火發蕩盡因有鴉毛挿地繞地周匝數重
百姓因起廟

右是有尚術唐寶曆中隨尚書錢徽至湖州嘗在學
院子弟以文丈呼之忽於錢氏兄弟乞兔湯餅時
暑月獵師數日方得因與共食笑曰可啻兔皮聊
誌一事釘皮斬土塗之上朱書一符獨言曰恨較
遲錢氏兄弟詢之乃曰欲與諸君共記卯年也至
太和九年錢於鳳翔遇害時乙卯歲

梅聖俞送任適尉烏程詩云勉作程鄉尉折腰還自

甘下峯晴照黛書水曉澄藍詩上春田闢蘆中走
吏參到時蘋葉長柳惲賦江南

吳興桑乞妻臨終執乞手曰我死爲當再婚不乞言
不忍也服竟更娶曰日見其已死婦曰君先結誓
云何負言因以刀割其陽道雖不致死人性永廢
梁吳均字叔庠吳興故鄆人也家世寒賤至均好學
有俊才天監初柳惲爲吳興太守召補主簿日引
與賦詩均文體清拔有古氣人目爲吳均體均嘗
不得意贈惲詩而去久之復來惲遇之如故弗之
恤也相贈詩見別條惲稱均於武帝即日召入賦

詩帝悅焉待詔著作先是均將著史以自名初撰
齊書借齊起居注及羣臣行狀武帝不許遂移撰
齊春秋至是書成奏之稱帝爲齊明帝佐命帝惡
其實錄謂其書不實使中書舍人劉之遴詰問數
十條竟支離無對帝敕付省焚之坐免職尋有勅
召見使撰通史起三皇迄齊代均草本紀世家已
畢惟列傳未就卒均註范曄後漢書九十卷著齊
春秋三十卷廟記十卷十二洲記十六卷錢唐先
賢傳五卷續文釋五卷文集二十卷均吳興道中
詩云團團日西靡容念已蹉跎長風倒危葉輕練

網寒波白雲光影麗青松意氣多所言多飽思忘
我北山蘿均與施從事書云故鄣縣東有青山絕
壁干天孤峯入漢綠嶂百重青山萬轉歸飛之鳥
千翼競來企水之猿百臂相接秋露爲霜春蘿被
徑風雨如晦鷄鳴不已信足蕩累頤物悟衷散直
今長興縣南六十里有青山石竇通太湖及洞庭
山冬月常煖色如黛故名五代楊行密攻錢塘伏
兵青山即此山均青山詩云家住青山下海上青
山望青山不可上一上一惆悵

蘇氏女於霅溪西南岸遇道士遺以五綵龜曰後

必大貴蘇適章景明生女爲陳武帝后因名其地
曰貴涇浦又曰章浦其中生重臺蓮花識者云主
出美人後果生后章皇后生而紫光照室少聰慧
美儀容手爪長五寸色並紅白有替功之服則一
爪先拆善書計能誦詩及楚辭父封廣德縣侯母

安吉縣君

唐開元初蘇頲爲烏程尉忽墜于縣東南水中聞神
語云扶出蘇公因名曰蘇公潭

晉永昌中會稽張茂嘗夢象問占者萬推推曰象大
獸取其音獸者守也象以齒焚其身君必典大都

西吳書
恐不得其死茂後爲吳興太守不敦問鼎茂執正
不移敦遣王充攻茂死之茂妻陸氏後復夫仇詣

闕爲夫謝罪追贈茂大僕又云茂爲吳國內史

吳興畢再遇嘗騎一黑馬翹駿異常號黑大蟲再遇
甚愛之再遇卒其家以鐵絙羈之聞金鼓聲奮迅
有赴敵意家人曰將軍死汝莫生事馬聳聽汪然
出涕哀鳴數聲而斃名之曰義馬今考本傳再遇
字德卿兖州人善戰宋南渡時屢立戰功豈再遇
自山東而寓於湖耶更詳之舊迎禧門有畢氏園
云再遇所葺開禧用兵諸將皆敗惟再遇數有功

敵常以水灌敗我再遇夜縛黨人數千衣以甲冑

持旗幟戈矛儼立成行昧爽鳴鼓敵人驚視函放

水槓發知其非真也甚沮乃出師攻之敵大敗又

嘗引敵且前且却至於再四視日已晚乃以香料

糞黑塗布地上復前搏戰佯爲敗走敵乘勝追逐

其馬已飢聞豆香皆就食鞭之不前我師攻之敵

人馬死者不勝計又嘗與敵對壘度敵衆難與爭

鋒一夕拔營去慮來相追乃留旗幟於營并縛生

羊置其前二足於鼓上擊鼓有聲敵不覺其空營

復相持竟日始覺欲追則已遠矣

梁蕭猷爲吳興太守吳興故有楚霸王神像在府治
聽中猷每祭神與交飲至一斛每酬祀盡歡極醉
神影亦有酒色祈禱必從猷後爲益州刺史江陽
人齊狗兒及衆十萬攻州城猷兵糧俱盡人有異
心乃遙禱請救是日有田父逢一騎浴鐵從東方
來問去城幾里曰百四十里時日已暝騎舉稍曰
後人來可令之疾馬欲及日破賊俄有數百騎如
風一騎過猷飲田父問爲誰曰吳越楚王來救臨
汝侯齊狗兒遂平當此時吳興祈禱於神數日無
驗後乃見侍衛上偶皆泥濕如汗猷後到臨汝侯

故神云

法帖有烏鎮張氏本舊湖州烏鎮張氏以絳閣二帖
餞木家塾或遇良工模拓亦有可觀後聞版歸新
市人家每連紙一幅可打一段

吳嶠字溪人也年十三作道士時隋煬帝元年過鄴
中告其令曰中星不守太微主君有嫌而旺氣流
萃於秦地子知之乎令不之信至神堯起兵太宗
以秦王立帝位方知不誣嶠精天文袁天綱嘗師
之

齊長沙王晃屬張緒用吳興聞人邕爲州議曹緒以

資籍不當執不許是使固請緒正色曰此是身家
州鄉安得殿下何得見逼乃止

武康烟霞塢劉穎士秀叔之別墅也林麓之勝號稱
洞天中有龜巖巖上有亭曰藏春巖前瀑泉下灌
巖谷聲激如雷有橋亭名掛雲取為絕勝

齊孔瑋之會稽山陰人監吳興郡母拜太守政稱清

嚴

梁張縉字伯緒范陽方城人大通中為吳興太守居
郡省煩苛務在清靜吏民便之縉即哭死吳規者
大同二年徵為吏部尚書

唐大曆中李暉為烏程令生子紳甫一歲墜縣
池中逾刻若有神扶出後紳至相位名其池曰淵

淵池

趙氏二妾歸安人俱事宋宗室趙碧瀾先生碧瀾亦
而益貧二妾方少艾遣之去俱弗從碧瀾曰慎無

再見爾弗我從抵攪我心耳二妾曰願執事終身
為尼以報主恩遂留之碧瀾既卒如其言趙有寡
女復資膏之黃价詩云感之以誠感必深應之以
誠應必捷真情一合了弗離聽我長歌碧瀾妾碧
瀾亦是諸王孫世殊事異老且貧少陵尚愛燕王

煖况是當時真貴人春衣典盡春寒悄二妾朱顏
正殊好忍將羅帶折同心懊恨平生頭白早珠鈿
翠袖兩近存此時猶及嫁夫君下下樓頭燕子去
揮手不可留僊裙去妾相悲兩相約既去猶煩送
敬酌主君詎忍覆棄之見此翻令心緒惡一心事
天天得知忍着主衣還事誰遂移衾襪與俱來後
君死者當爲尼碧瀾堂下雙溪水使君往來豈知
此不顧新歡戀舊恩千萬人中兩人耳

蘇軾學莘老高郵人熙寧中知湖州歲饑賑恤所
活甚衆嘗築堤以禦湖水隄下化爲良田於公暇

蘇軾學莘老高郵人熙寧中知湖州歲饑賑恤所
活甚衆嘗築堤以禦湖水隄下化爲良田於公暇

輅前人賦咏爲吳興新集作墨妙亭凡境內自漢
以來古文遺刻以實之蘇軾作記軾又有寄莘老

詩七首今錄四首天目山前綠浸裾碧瀾堂下看

銜鱸作堤捍水非吾事閒送茗溪入太湖其夜來

雨洗碧嶺屹浪湧雲屯繞郭寒聞有卞山何處是

爲君四面竟求看其三年京國厭藜蒿長羨淮魚

壓楚糟今日駱駝橋下泊恣看修綯出銀刀其烏

程霜稻襲人香釀作春風雪水光時復中之徐邈

聖無多酌我次公狂其

蘇軾元豐中知湖州甫三月利弊釐葺殆盡而登覽

名勝亦遍題咏迄今盛傳其著稱者有蘇公堤蘇
灣蘇臺郡人賈敦宇耘老居有水閣曰浮暉軾雅
善其人與之交嘗遊道場回值風雨泊舟登浮暉
閣命官奴秉燭掃風雨竹於壁間後勒石於墨妙
亭收素貧軾每念之寫古木惟石書其後以贈之
云今日舟中霜寒十指如懸槌適有人致佳酒遂
獨飲一杯醺然竟醉念賈處士貧其無以慰其意
爲作古木惟石一紙每遇饑時輒一開看飽人否
若其興有好事者能爲月致米三石酒三斗終君
之世便當以贈之不爾可令雙荷葉收掌頂添丁

長以付之也荷葉耘老侍姬添丁耘老之子軾平
以詩托諷爲言官所論赴臺獄郡人作解厄道場
彌月耘老亦作亭以懷蘇名之有詩編號懷蘇集
軾遺第轍詩六百歲神遊定何處桐鄉知葬浙江
西

烏程縣西二十里有温山出御苑

春秋齊晏子娶吳王女築城於安吉州西北三十里
後耕者每得黃金狀如四角菱中有齊字名晏子
金故其地曰晏子城鄉名晏子鄉元楊維禎晏子
城詩云魯人城穀小齊卿答私惠如何晏子城高

雉在夷裔元是齊上卿老居吳贅瘠分茅及外戚
重關司啓閉至今菱角金妖芒掘耕隸我聞平仲
賢一裘三十禩家藏千億珍無乃惑妖麗從如齊
景公千駟不足計舊有人題晏子金詩云豚肩不
掩豆一裘三十年身後黃金出其然豈其然

宋慶曆中湖州知州馬尋宴六老於南園六老工部
侍郎簡年七十九司封員外郎范說八十六衛
尉寺丞張雄九十一劉餘慶九十二周守中九十
五貝琰七十五胡瑗作序刻石園中園在定安門
內又立南園在定安門內橫塘向來沮如曩隔僅

有慈感寺吏部侍郎萬鍾家世錢唐自爲司農卿
時卜宅於其旁開拓浸廣號曰南園臺閣亭榭四
時花卉俱備爲諸園冠慶元元年煥章閣學士洪
邁爲之記此南渡以後事與慶曆中事不相蒙並
存之

齊謝朓不與蕭繹篡弒之謀乃求出爲吳興太守至
郡致酒數斛遺其弟吏部尚書淪曰可力飲此勿
預人事朓在吳興以鷄卵賦人收鷄數千爲清議
所少

南宋何戡爲吳興太守孝武帝賜雀扇善畫者顧

景秀所畫時陸探微顧彥先皆能畫嘆其妙戢山
陰公主駙馬姜姿容與褚淵善目爲小褚

舊傳湖州天聖寺佛殿塑二龍蟠於殿前左右柱有
一僧忽見二龍飲於殿前池中見僧來二龍驚返
左蟠於右柱右蟠於左柱趙子昂有錯蟠龍碑文
字皆妙後爲人剝去昇於府治前作太守去思碑
然剝處字迹猶見

袁州界橋茶其名甚著不若湖州之研膏紫笋烹之

有綠茶垂下

約李休文武康人母孕七月而生祖林宋征虜將

軍父璞宋淮南太守元嘉末被誅約少嬰家難勵

志向學左目重瞳子聰明過人讀書晝夜不倦母

恐以其勞生常遣減油滅火然約晝之所讀夜輒

誦之聚書至二萬卷爲蔡興宗所引後爲步兵校

尉竟陵王東政以文學見親與范雲等號爲八友

梁武帝在西邸與約遊及受禪拜尚書僕射封建

昌侯後加侍中特進約嘗侍武帝宴值豫州獻栗

徑寸半帝奇之問曰栗事多少與約各疏所憶約

少帝三事出謂人曰此公護前不讓即羞死帝聞

而惡之又因病夢齊和帝以劍斷其舌乃呼道士

奉赤章於天稱禪代之事不由已帝大怒譴責數
四約益懼卒約所著晉書一百卷宋書一百卷齊
紀二十卷高祖紀十四卷通志十卷謚例十卷宋
文章志三十卷四聲韻若干卷文集一百卷袖中
記一卷袖中畧集六卷珠叢一卷

湖州有一老嫗入下山得一火石光彩可玩投之火

香聞於遠名曰石香

晉元興初桓玄反殺吳興太守高素素劉牢之北府
舊將也

宋注劾新安縣縣人也建炎中知湖州為政不事鞭

朴未嘗妄費一錢湖民鋟木揭於家為語曰賢

太守福壽千秋朝廷聞之進秩三等

晉羊欣父不疑為烏程令欣時年十三王獻之為烏

興太守甚知愛之嘗夏月入縣齋欣着新練裙書

寢獻之書數幅而去欣本攻書因此彌善

宋湖州陸蒙老元光常為常之晉陵宰頗喜作詩時

州幕官有好讒謗同列者一日因會忽聞蟬聲幕

官命陸為詩陸不可却因賦云綠陰深處汝行藏

風露從來是稻梁莫向高枝縱繁響也宜回首顧

蟬蟬蓋識之也其人少戢

郟城南有車蓋山亭真王若車蓋然下瞰碧浪湖
浮玉山之勝舊有晉吳興太守殷康所建亭矚望
極佳

蕭衍秦齊州郡皆請降吳興太守袁昂獨拒境不受
衍使江革爲書與昂曰竭力昏主未足爲忠家門
屠滅非所謂孝豈若翻然改圖自招多福昂復書
曰一餐殺施尚復投隕况食人之祿而頓忘一旦
非惟物議不可亦恐明公鄙之所以躊躇未遑薦
此武康今傳政謂昂曰昔太尉遭元嘉之禍開闢
東晉故殺身以順節司徒當寄托之重理無苟全

故不顧夷險以殉名義今嗣主昏虐不悛荆雍協
舉天人之意亦可知矣願明公深慮無取後悔昂
不從昂南宋太尉淑之姪孫司徒粲之姪故映云
蕭衍使李元履巡東土敕曰袁昂道素之門世有
忠節天下須共容之以物兵威凌辱元履至吳興宣
衍旨昂亦不請降但開門徹備而已

宋章鑄烏程人仕宋爲修職郎宋亡元令故宋官納
誥勅鑄終不肯以世食宋祿坐未嘗北向宋人之
仕於元者皆謝絕之鑄字子壽

吳興有八絕吳範歸安 福增鄉人善曆數劉淳歸

安松亭鄉人善星文趙達長興人能筋筭災福嚴
武烏程震澤鄉人善奕碁宋壽烏程震澤人善占
夢皇象歸安福增鄉人善書夏姬一名鄭姬烏程
菰城人善相曹弗興烏程人善畫皆古今絕藝也
弗興嘗畫赤龍獻孫皓後南宋文帝時大旱取弗
興所畫赤龍置水傍應時得雨皇象能草世稱沉
痛快象之後侃亦有名米芾寶章待訪錄云皇象
急就帖在故相張齊賢孫直清處下菰夏姬相吾
祭在別條徐陵烏程孝義寺碑曰八絕之技依然
是也

新安婺源人王炎宋開禧中知湖州湖有貴族撓法
者炎注於牘曰汝爲天子親亂天子法炎爲天子
臣正天子法竟以謗奉祠

孔子井在安吉縣西吳東校書郎施彥先居井側先
云仲尼聘楚爲令尹子西所譖欲如吳逍遙此境
故以名井

錢顛宋熙寧中自烏程令入爲御史號鐵肝御史
郡中碧瀾堂素有奇怪宋郡士晁子芝嘗見一女子
踏波而吟曰水天日暮風無力斷雲影裏蘆花色
折得芙蓉水上遊兩鬢蕭蕭斂玉直吟畢由東岸

而去

王修齡貧乏陶胡奴爲烏程令送米一船荅曰王修齡饑自就謝仁祖索食不須陶胡奴送米

范成大梅譜云古梅惟吳興有之他雖花盛開苔皆剝落惟自武康卽不變移

吳越錢元瓘以其將劉仁杞爲湖州刺史

沈璞武康人南宋元嘉末爲盱眙太守繕城浚隍及魏兵南侵與臧質共守歸功於質文帝嘉之于約

張確於郡中白蘋洲遇二碧衣女子臨別贈確詩云碧水色堪染白蓮香正濃分飛俱不恨此別幾時

逢乃化二翡翠飛去確續而和之曰藕隱玲瓏玉

花藏縹緲容何當假雙翼蘆影暫相從

梁張嶮字四山爲吳興太守起兵討侯景景使侯子

鑒寇吳興吳興兵力寡弱或勸嶮如袁君正降於景嶮曰袁氏世濟忠貞不意君正一旦隳之吾豈

不知此難久全但以身許國有死無貳耳戰敗還府整服安坐于鑿執送建康景欲活之嶮曰吾奉

任專城朝廷傾危不能匡復速死爲幸景猶欲活其一子嶮復曰吾一門已在鬼錄不就爾虜求恩

景怒盡殺之時御史中丞沈浚避難東歸吳興并

死馬浚武康人見別條

吳興河口山東濱大溪西帶長瀆

吳興南渚南三十里囑中即囑山也

梁邵陵王綸鎮郢州引吳興吳規爲賓客張纘爲湘州刺史路經郢州綸餞之纘見規在座忽舉杯曰吳規此酒慶汝得陪今晏規等起還其子翁孺見父不悅問而知翁孺因氣結是夜便卒規恨纘悲兒憤哭兼至信次之間又殞規妻深痛夫子翌日又亡時人謂張纘一杯酒殺吳氏三人纘吳興太守見別條

朱承逸字舜工聊城人咸平中進士上兵制將制書

白湖州錄事參軍召爲崇政校勘

陳彭年爲大理詳斷官坐事出監湖州酒稅

朱承逸烏程人居城東門爲本州孔目嘗五鼓趨郡

過駱駝橋聞橋下有哭聲哀甚乃有人爲勢家逼

錢三百千債妻孥子將溺於水朱憫而代還之其

人感泣願終身爲奴不聽復以二百千給之而去

承逸又爲湖州長馬宋慶曆庚寅歲饑以米八百

斛作粥散貧民是歲其孫服生

承逸之子臨爲秘書郡中碑刻多臨所著臨之子服

熙寧進士第二人章惇薦爲監察御史裏行服不以爲意復因事舉劾之紹聖中除禮部侍郎後坐與蘇軾遊貶興國軍第肱亦登第即著南陽活人書者

服之子或云熙寧癸丑先公第進士天子擢居第一爲權臣所軋故居第二大父頗不平湖州道場山有老僧爲大父言此非人事道場在州南離方文章峯也低於他州故未有魁天下者僧乃丐緣即山頂建浮屠望之如卓筆旣成語州人曰後三十年此狀元大觀賈安宅政和莫儔相繼爲廷試魁

此吾家事非誣也

隋煬帝課州縣送羽毛民求捕之殆無遺類烏程有高樹踰百尺上有鶴巢民欲取之不可乃伐其根鶴恐殺其子自拔髦毛投於地時人或稱以爲瑞唐白居易有靈鶴贊知州鄭建序在天慶觀殆謂此歟

吳興沈光字總持父君道陳吏部侍郎光畧綜書記微有詞藻隋太子勇引署學士驍捷跣弛禪定寺中幡竿高十餘丈適值繩斷非人力所能及光因以口銜索拍竿而上直至龍頰繫繩畢手足皆放

透空而下以掌拓地倒行十餘步觀者嗟異時人號爲肉飛僊後隋煬帝征高麗以衝梯擊城竿長十五丈光升其端臨城戰短兵相接殺數十人賊競擊之而墜未及於地適值他竿垂縵復引而上者數次敵不敢近後煬帝幸江都爲宇文化及所弑光襲化及營謀泄轉戰以身無甲冑遇害

南宋釋法瑤姓楊氏河東人永嘉中過江遇吳興允曇真請居武康小山寺中永明中勅吳興禮致上京羊七十九

湖州茶生長城縣顧渚山中與夔州光州同生白茅

懸脚嶺與襄州荆南義陽郡同生鳳亭山伏翼澗飛雲曲水二寺啄木嶺與壽州常州同生安吉武康二縣山谷與金州梁州同

吳興章華字仲宗好學能文上書極諫陳後主曰陛下不思先帝之艱難不知天命之可畏溺於嬖寵惑於酒色祠七廟而不出拜三妃而臨軒老臣宿將棄之草莽諂佞讒邪升之朝廷今疆場日蹙隋軍壓境陛下如不改弦易轍臣見麋鹿遊於姑蘇矣後主大怒殺之時華爲大市令

宋滕元發字達道東陽人舉進士授大理評事通判

湖州孫汚守杭見而異之曰竒才也神宗又以元
發知湖州湖乃滕所乞也林子中以詩賀滕壻何
洵云清風樓下兩溪春三十餘年一夢新欲識玉
皇香案吏水晶宮主謫仙人蓋滕之倅湖距是三
十年矣

高爽題吳興妖神贈謝明府云玉釵空中墮金鈿色
行歌獨泣向春風長夜孤明月

張宣寶曆中目越府戶曹掾以家在浙東意求蕭山
宰出謁前三日忽夢一女子年二十餘脩刺來謁
宣素貞介夢中不與之見女子曰妾是明府邑中

之客安得不相見邪宣遂見之禮貌甚肅曰
十一口依在貴境有年數矣今聞明府將至故來
拜謁因問縣名竟不荅宣因告其族人曰且誌之
後補安吉令以家事不便將退之族人曰不然前
夕所夢一女子非安字乎十一口非吉字乎此陰
騭已定退亦何益

晉陸納字祖言尚書吏部郎出爲吳興太守將之郡
先至姑熟辭相温因問温曰公致醉可飲幾酒食
肉多少温曰羊大來飲三升便醉白肉不過十齋
卿復云何納曰素不能飲止可二升肉亦不足言

數後伺温開日自有微禮方守遠郡欲與公一醉
以展下情温欣納之時王坦之刁彛在座及受禮
惟有酒一斗肉一拌座客驚愕納徐曰明公近云
飲酒三升納止可二升今有斗酒以備杯酌餘瀝
温及賓客皆嘆其率素吏勅中厨設精饌酌飲極
歡而罷納爲吳興太守時衛將軍謝安嘗欲詣納
納兄子倣怪無所備又不敢問乃私爲具安至納
所設惟茶果而已倣遂陳盛饌珍羞畢具及安去
納杖做四十云汝既不能光益叔父何穢吾素業
納至郡不受俸祿頃之徵拜左民尚書領州大中

正將應召外白宜裝船幾納曰私奴裝糧食來無

所復須也臨發止有被襪而已

吳興舊有胡生者以釘鉸爲業居近白蘋洲有古墳
每因茶飲必奠酌之忽夢一人謂之曰吾姓柳平
生善爲詩而嗜茗感子茶茗之惠無以爲報欲子
爲詩胡生辭以不能柳強之曰但率子意爲之當
有致矣生遂工詩焉時人謂之胡釘鉸詩柳姓當
是柳惲也

張子野云往歲吳興滕子京席上見小妓堯娘子京
賞其佳色後十年再見於京口絕非傾時之容態

感之作詩云十載芳洲採白蘋移舟弄水賞青春
當時自倚青春力不信東風解誤人

太湖漁者陸氏子舉網得蟹如斗大以罄剪其網皆
斷陸怒欲烹之其侶老於漁者曰不可吾聞龜蟹
之殊類甚者必江湖之使也烹之不祥乃釋之蟹
至水橫行里許方沒

晉博平令吳興聞人爽上疏論會稽王道子曰驃騎
謫參軍嘉千秋協附宰相起自微賤竊弄威權銜
賣天官其子壽齡爲樂安令賊私狼藉畏法奔逃
竟無罪罰傲然還縣又尼如屬類傾動亂時殺賤

人鐵流鏑不絕由百姓單貧役調深刻又振武將
軍庾恒鳴角京邑主簿戴良夫苦諫被囚殆至
命而恒以醉酒見怒良夫以執忠廢棄又權寵之
臣各開小府施置吏佐無益於官有損於國又
玄使劉牢之守鄆城兗州既平水道險澁糧運艱
難用都督聞人爽謀堰呂梁水樹柵立七埭爲派
擁二岸之流以利運漕自此公私便利

元至正壬辰三月二十三日湖州郡中黑氣亘天雷
電以雨有物若果核與雨雜下五色間錯光瑩堅
固破其實食似松子仁名曰洪子獨儀鳳橋四

面爲多後有山氓以紅帕裹茶入城賣之即以帕裹其額作亂大肆劫殺儀鳳橋四面特甚遂謂之紅巾賊云

慈感寺舊有珠羅漢眉目褊袒文理畢具漁人得於蚌中寺僧藏之每歲三月間郡守上香取出玩之後有一郡守玩之而心欲取之其珠像忽跳躍寺傍溪水中祥光照耀俄頃而沒遂不復見

歸安莫士安字維恭號是庵又稱栢林居士有文學行誼國初爲湖學教授張羽薦授黃岡知縣永樂初治水江南遂徙居無錫卒其所交吳時敏翟公厚率衆會葬于慧山春秋爲之上塚

宋皇祐元年長興進士陳樞仕至尚書

唐李李蘭寄十七兄韓校書詩云無事烏城縣蹉跎歲月餘不知芸閣吏寂寞意何如遠水浮仙棹寒星伴使居因過大雷岸莫忘八分書劉長卿謂李蘭女中詩豪李蘭名裕唐女道士也有詩一卷行不檢

唐于頔爲湖州刺史郡有湖陂異時溉田三千頃久廢廢頔行縣命脩復堤閘歲獲稅稻蒲魚無慮萬計州地瘠薄葬者不掩櫃頔爲坎瘞枯骨千餘人

賴以安頓寄村山僧皎然詩云雪水漾清潄吳山
橫翠岑含珠復蘊玉價重雙南金

宋陳堯佐碧瀾堂詩云茗溪清淺雪溪斜碧玉光寒
照萬家誰向月明終夜聽洞庭漁笛隔蘆花

唐開成三年弘農楊漢公字用義為湖州刺史革弊
興利改茶法變稅書政事暇構五亭架大溪跨長
汀者謂之白蘋亭介二園閱百卉者謂之集芳亭

面廣池目列岫者謂之山光亭說晨曦者謂之朝
霞亭狎清流者謂之碧波亭白樂天記漢公登郡
中銷著樓寄東川汝士詩云岩崑下瞰雪溪流極

日煙波望梓州雖有清風當夏景只能銷暑不銷
憂明月樓詩云吳興城闕水雲中畫舫青簾處
通溪上玉樓樓上月清光合作水晶宮

齊王敬則為吳興太守郡舊多剽掠有十數歲小兒
於路取遺物敬則殺之以徇自此路不拾遺

晉太康八年吳興人蔣廸聚黨及圍陽羨尋討平之
戴洋字國流吳興長城人也年十二遇病死五日而
蘇說死時天使洋為酒藏吏授籙給吏從幡麾將

上蓬萊輿輪積石太室恒廬衡等山既而遣歸乃
活及長善風角為人短陋無氣望然好道術妙解

占候卜數吳末爲臺吏知吳將亡託病不仕及吳平還鄉里後行至陳國濼鄉經老子祠皆是洋死時所見知石冰陳敏王機之敗入晉祖約請洋爲中典軍遷都督護大寧二年有大星車南行洋曰至秋府當移壽陽及王敦作逆約問勝敗洋曰太白在東方辰星不出兵法先起爲主應者爲客宜應詔代之乃率衆向合肥救果敗遂任壽陽約府地忽赤如丹洋曰地赤如丹血丸丸當有下反卜者十月二十七日胡馬來欽淮水至時石勒果至司馬颺爲烏程令將赴職洋曰君宜深慎下吏颺

後果坐吏免官他所占驗多類此年八十卒

魏世瓌字玉華安古人勇斷有才隋大業間天下人亂乃率宗族子弟及鄉中有智勇者聚糧自守開唐高祖起兵率衆從之高祖賜金鐘一口錦五段勅書褒之拜柳州刺史

周滌字彥廣長興人父需以進士起家官至左中奉大夫滌幼敏力學長以父任爲郎歷官至通判建康府紹興三十年金人渝盟滌守濠梁淮楚舊有並山水置砦自衛滌爲立約束結保伍金主亮傾國犯邊民賴以全孝宗朝張浚視師駐於都梁見

淙相誓以死自守官至敷文閣待制起守婺州後復奉祠卒年六十階至右中奉大夫封長興縣男宋鄭升之宣和間爲樞密醫後居湖州嘗往臨安途中遇急足持文書來視之乃追牒也有鄭名即恍惚如醉還家而病前使亦至呼之遂行入冥間王者問曰汝當死有陰德否曰無嘗從軍乎曰然汝昔宣和中隨主將往燕山有二卒得罪於將欲斬之以汝諫獲免又汝在京師時好以藥施人有之否鄭曰頗憶有之主者曰有此二美當汝還將行使者曰汝平生好餘瀝沾几案間積有數斗浪飲

逸乃可去即舉一甌甚臭強鄭令飲而醒

梁吳興郡屢以水災失收有上言當漕大瀆以瀉浙江中大通三年春詔遣前交州刺史王弁假節發吳郡吳興義興三郡民丁就役昭明太子統上躡曰伏聞當發王弁等上東三郡民丁開漕溝渠道泄震澤使吳興一境無復水災誠矜恤之至仁經畧之遠旨暫勞永逸必獲後利未萌難覩竊有愚懷所聞吳興累年失收民頗流移吳郡十城亦不全熟惟義興去秋有稔復非常徭之民即日東境穀價猶貴劫盜屢起在所有司不皆聞奏今征戍

未歸疆丁踈少此雖小舉竊恐難合吏一呼門動
爲民蠹又出丁之處遠近比得齊集已失蠶農去
年稱爲豐歲公私未能足食如復令茲失業慮恐
爲弊更深且草竊多伺候民間虛實若善人從役
則抄盜彌增吳興未受其益內地已罹其弊不審
可得權停此功待優賞以不聖心垂矜黎庶神量
又已有在臣意見庸淺不識事宜苟有愚心願得
上啓高祖優詔以喻焉

沈洙武康人字弘道祖休雒梁餘杭令父山卿梁國
子博士洙少雅好學不妄交遊治三禮春秋左氏

傳精識強記經史子書問無不荅時學者多

文史不爲章句而洙獨精思經術

晉陳敏又以吳興錢廣爲弟昶司馬周玘密諷
昶與顧榮甘卓等以兵攻敏敏潰誅之

初吳興人錢璿亦起兵誅陳敏朝廷命爲建武將軍

使率其屬會於京都璿至廣陵聞劉聰逼洛陽
愼不進朝廷促以軍期璿乃反時王敦遷尚書當
應徵與璿俱西璿陰欲殺敦籍以舉事敦聞之奔
告于朝璿遂殺度支校尉陳豐焚燒邸閣自稱平
西大將軍八州都督劫孫皓子克立爲吳王既而

殺之入寇朝廷遣將軍郭逸都尉朱典等討之並以兵少未敢前周玘率合鄉里義衆與逸等討之

湖州德清人徐俊字英父少有節槩以明經爲國子

生宋咸淳中憤時宰之誤國率六館諸生葉李等

抗疏乞斬賈似道三上不報繼爲提舉迨宋亡道

於山林志不再仕至元中累召不起言及宋故輒

流涕困而老死門人謚曰安節先生

晉周勰怨中國市人駕御吳人潛結吳興郡功曹徐

馥馥家有部曲三吳豪俠樂者翕然從之殺吳興

太守袁琇勰又攻馥殺之後勰爲宣城太守陶

所城

晉蘇籍湖州西亭晚望詩云霄水碧悠悠西亭柳

頭夕陽生遠岫斜照逐回流此地動歸興逢人方

倦遊吳興香齋盡空見白蘋州

顏真卿字清臣臨沂人大曆中爲湖州刺史德政治

於千里邦人懷之嘗招致名儒高僧皎然輩考集

羣書成韻海鏡源郡中碑刻多魯公書在郡有吳

興集十卷

李適之唐宗室也爲湖州別駕夜張宴晝決事獄無

留辭喜賓客飲酒至斗餘不亂

峴山舊名顯山避唐諱又以山傍郡城若襄陽大峴
故改今名有峴山禪寺頂有浮屠有五花顯亭晉
殷康所建今廢湖陂連屬桑麻成望南滙浮玉北
擁郡城道場西來此爲畫龍極目東望震澤洞庭
歷歷可見山故多亭榭且近城遊者無虛日蘇有
虎丘杭有孤山方之不是過也上有窪罇石唐左
相適之會者公聯句云李公登飲處因石爲窪罇
類真人事處公賦峴山今古存類真無掩前迹
苔蘚餘舊痕類真叔子尚遺德山公此間軒類真維舟
陪高興感昔情類真數載藹藹賢哲事類真依依離會言

強峴嶽橫道周迢迢連山根類真繙餘烈類真

揖蘭蓀類真純德輝映巖足勝賞延高類真遠山

練因晴見吳門類真王修陪遊追盛美揆德欣類真

器有成形用工資造化元類真左元流霞方湛淡別

遽翩翻類真劉薈舊規傾逸賞新興麗初暄類真醉後接

倒歸時驕騎喧類真楊德遲回尚遺迹離別益傷類真

覽事古興屬故人歸思繁類真僧皎懷賢久徂謝贈類真

空琴援類真崔弘公案鑄懿躅高名播乾坤類真文仲松深類真

閒步葛弱拱拱類真陸科花氣酒中醅雲華衣上屯類真丘

中深沉列湖渚牢落望郊原類真陸士白日半巖岫清

風滿丘樊裴幼清旌麾間翠幄簫鼓來朱轡談間路

躡雲影清心澄水源釋塵外萍連浦中嶼竹繞山下

村顏白日往如復換年涼代溫顏登臨繼風騷義

激舊府恩李夢蘇軾詩云若水如漢水鱗鱗鴨頭青

吳興勝襄陽萬瓦浮青冥我非羊叔子愧此岷山

高悲傷意此同歲月如流星蒞葦何足道當以德自銘

宋曹清烏程人其父嘗殺人繫獄清自誣手刃代刑

其屍遡流至家葬西陽村邑人廟祀有祈輒應言

和初清溪方臘盜起將及郡城清神著保障之功

以上聞錫封賜額今德清有昭應侯廟郡中又

祀於府學尊經閣之右以配顏魯公祠忠孝並

長興縣廣惠寺在縣東下箬溪上陳武帝霸先守也

晉吳興沈充鑄小錢謂之沈郎錢

漢度尚封烏程東鄉侯

晉寧泰二年長城人錢步射錢弘等作亂吳興太守

朱序討平之

吳興長興夏駕山有石鼓長丈餘圍三尺下有盤石

為足鳴則三吳有兵晉隆安中大鳴後有孫恩之

亂其聲若金鼓然

晉臨海公主先封清河洛陽之亂為人所畧賣吳興

錢溫溫以送女女遇主甚酷元帝鎮建業主詣縣
自言元帝恨溫及女併誅之

周札兄子筵征虜將軍吳興內史筵弟贊大將軍從
事中郎武康縣侯次兄子勰臨淮太守烏程公

長興縣有邱姬採桑于野被虎銜入深谷中不傷虎

且蹲自旦自午姬告曰某之年邁莫有宿業否今

困於此又不食乞大聖垂念呼虎為大聖虎遂伸一脚

於姬前看之有一竹籤在爪下姬曰莫要去此耶

虎掉尾點頭似相感之狀姬乃為掇去之虎迅躍

數四却銜至舊所並無所損至夜置一鹿於門而

去此與晉郭文舉與虎探去鯁送鹿以報事同

賀循為武康令俗多厚葬及有拘忌迴避歲月停喪

不葬循皆禁焉政教大行鄰城宗之然無援於朝

久不序進著作郎陸機上疏薦循曰伏見武康令

賀循德量濠茂才鑒精遠服膺道素風操疑峻歷

試二城刑政肅穆循可為尚書郎此乃眾望所積

非但企及清塗苟充方選也循嘗合眾應吳興內

史顧秘討石冰

庾羲為吳興內史時晉穆帝頗愛文義羲至郡獻詩

頗存諷諫因上表曰陛下以聖明之德方隆唐虞

之化而事役殷曠百姓凋殘以數州之資經贍四海之務其爲勞弊豈可具言昔漢文居隆盛之世躬自儉約殆致刑措賈誼嘆息猶有積薪之言以今况古所以益其憂懼陛下明鑒天挺無幽不燭弘濟之道豈待贅言臣受恩奕世思盡絲髮受任到東親臨所見敢緣弘政獻其丹愚

許遵字仲塗泗州人宋皇祐初知長興縣水災民多流徙遵募民出米賑濟竟以無患益興水利既濟甚博邑人便利又於邑庠建五勸亭訓民五事邑人立石紀之

長興環沈村昔有一石爲自太湖浮游至太朴土地廟爲人所繫斷之

晉王導請庾冰爲司徒右長史出補吳興內史會蘇峻遣兵攻冰冰不能禦棄郡奔會稽

晉吳興太守虞潭討蘇峻潭母孫氏謂潭曰吾聞忠臣出於孝子之門汝當捨生取義勿以吾老爲慮也盡遣家僮從軍鬻環珮以給軍實時會稽內史王舒遣子允之爲督護孫氏又謂潭曰王府君遣兒征汝何獨不潭即以子楚爲督護與允之合勢潭乃率衆攻賊將張健屯烏菴亭時暴雨大水賊

乘船旁出蘘潭潭奔敗還保吳興賊轉攻吳興潭軍退賊復掠東遷餘杭武康諸縣王舒遣子允之會諸將以精銳三千輕邀於武康破之時賊他將韓晃既破宣城轉入故鄣長城王允之遣將擊之潭以疆弩射之晃等退敗走潭由是得保郡

潭之孫嘯父時王廞叛嘯父行吳興太守嘯父即入吳興應廞廞敗有司奏嘯父與廞同謀罪應斬詔以祖潭舊勳聽以疾贖為庶人

晉陶回遷征虜將軍吳興太守時人饑穀三吳尤甚欲聽相鬻賣以拯一時之急回上疏曰當今天下

不普荒儉惟獨東土穀價偏貴復相鬻賣聲以流沅北賊聞此將窺疆場如愚臣意不如開倉賑賑之乃不待報輒便開倉及割府庫軍資數萬餼以救乏絕由是一境獲全既而下詔併勅會稽吳郡依回賑恤二郡賴之

南宋臺軍克晉陵諸郡時孔瓘屯吳興南亭與王曇首顧琛皆棄軍走會稽南亭在湖州府治南下瞰苕溪

晉謝邈為吳興太守孫恩之亂為賊胡桀部驃所執逼令北面邈曰我不得罪何北面之有遂與烏程

令夏侯情同遇害初邈妻郗氏甚妬邈先娶妾郗氏怨懟與邈書告絕邈以其書非婦人詞疑其門生仇玄達爲之作遂斥玄達玄達怒遂投孫恩并害邈兄弟竟至滅門

邈之姪方明隨邈在吳興郡時孫恩寇東土諸郡皆響應吳興民丘彪胡桀邵驃破東遷縣方明勸邈避之不從賊至被害方明逃竄遂免初邈男子長樂馮嗣之及北方學士馮翊門生仇玄達俱往吳興投邈並舍之郡學禮待甚簡三人並忿愠遂與恩通謀恩嘗爲嗣之等從者夜入郡見邈衆遁不悟及邵等攻郡嗣之翊玄達並預其謀孫恩入海嗣之等不得同去乃更聚合方明結邈門生義故得百餘人掩討嗣之等悉禽而手刃之義故人姓名吳興有土豪北門義故即其人

南宋孔靖字季恭山陰人也爲吳興太守加冠軍先是吳興頻喪太守者項羽爲下山王居郡聽事二千石至常避之季恭居聽事竟無害也

南宋員外散騎侍郎沈發吳興武康人也早卒吳興太守王詔之爲之誄焉發之子曇慶大明初嘗督徐兖二州曇慶嘗使裴景仁撰秦記十卷叙符氏

偽僭本末官至左衛大將軍加給事中領本州大中正遷祠部尚書臺慶謹實清正所蒞有稱績常謂子弟曰吾處世無才能圖作大老子耳世以長者稱之

晉王惠字令明瑯琊沂人爲吳興太守惠嘗臨曲水風雨暴至座者皆馳散惠徐起姿劂不異常曰晉陳達以太子洗馬出爲吳興長城令漢太丘長寔六世孫也悅長城山水遂家焉嘗謂所親曰此地山川秀麗嘗有王者興二百年後我子孫必鍾斯運其後裔霸先果爲陳武帝

陳武帝諱霸先字興國十世祖達武帝少儻不生產及長好讀兵書嘗遊義興館於許氏夜夢聞數丈有四人朱衣捧日而至令帝開口納焉覺腹中猶熱霸先嘗居崎頭古城劉惠憲等望見恒有紫氣冒城上又嘗獨坐胡床於閣下有神光滿閣與王僧辯共滅侯景後受梁禪都建業先是梁武帝時童謠云王氣在三餘乃於餘干餘杭餘姚三縣爲厭勝法乃長城有餘干山餘罌溪餘漁浦又童謠云鳥山出天子江表凡以鳥名山者皆鑿長城有雉山獨不鑿武帝果生於此

齊丘靈鞠烏程人好學善屬文挽宋孝武貴妃詩有
 雲橫廣背闇霜深高殿寒之句帝為嗟賞褚淵為
 吳興太守謂人曰此郡才士唯有靈鞠及沈勃耳
 靈鞠嘗詣淵淵不起曰比脚疾更增靈鞠曰脚疾
 亦是大事公為匹臣不可覆錄其強切如此永明
 領驍騎將軍不樂武位謂人曰我應還東掘顧榮
 塚江南地方數千里士子風流皆出此中顧榮忽
 引諸捨渡江妨我輩塗轍死有餘罪嘗在沈淵座
 見王僧詩淵曰王今文章大進靈鞠曰何如我未
 進著江左文章錄序并文集行于世頗真卿石柱

記烏程縣靈鞠今不詳所在

王談烏程人也年十歲父為隣人竇度所殺談陰不
 復讐志而懼談所疑寸兩不蓄日夜伺度未得至
 年十八乃密市利錘陽若耕鋤者度常乘船出入
 徑一橋下談伺度行還伏草中度既過談於橋上
 以錘斬之應手而死既而歸罪有司吳興太守孔
 嚴義其孝勇列上宥之後嚴諸子為孫恩所害無
 嗣談乃移居會稽脩理嚴父子墳墓盡其心力太
 守孔廡究其義行元興三年舉談為孝廉時稱其
 得人談不應召終於家

晉吳達吳興人也經荒飢疾病合門死者十有二人
達亦時病篤其喪皆隣里以葦蓆裹而埋之達夫
妻既存家極貧無衣被晝則傭賃夜燒磚甃晝夜
在山未嘗休止遇毒虫猛獸輒爲之下道期年成
七墓十三棺時有賻贈一無所受太守張崇義以
羔羊之禮禮焉卒於家

潘綜吳興烏程人也孫恩之亂綜與父驃共走避賊
驃老行遲賊轉逼驃語綜曰我不能去汝走可脫
幸勿俱死驃困之在地綜迎賊扣頭曰父年老乞
以生命驃亦請賊曰乞活此兒賊因斫驃綜抱父
於腹下賊斫綜悶絕有一賊曰欲舉大事奈何殺
孝子乃止父子並得免鄉人秘書監丘繼祖廷尉
沈亦黯以綜異行廉補左民令史除遂昌長歲滿
還家與吳達齊名太守王詔之並贈以詩云東寶
惟金南木有喬發揮增厓踈幹重霄美哉茲土世
載英髦育翮山林養音九臯唐后明揚漢宗蒲輪
我皇降鑑思樂懷人羣臣競薦舊章維新余亦奚
貢曰義與仁仁義伊在惟吳興潘心積純孝事著
艱難投死如歸淑問若蘭吳實履仁心力皆畢同
此苦節易彼歲寒霜雪雖厚松柏九九人亦有言

無善不彰二子徽猷彌久彌芳
陽誰謂道遐弘之則光咨爾庶士無然怠荒江革
奏摯慶祿是荷姜詩入貢漢朝咨嗟功哉行人敬
爾休嘉俾是下國照輝來華伊余極駭服懼盜
無能禮樂豈暇聲教順彼康夷懿德是好聊綴所
懷以贈三孝元嘉元年奏改其里爲純孝里闢祖

布三世

沈勁字世堅武康人父充附王敦爲部將吳儒所殺
勁當坐誅鄉人匿之得免其後竟殺無人勁少有
志而痛父死非義欲立動以雪前耻年三十以刑

家不得仕進郡將王胡之上疏曰臣嘗藩衛山陵
式遏戎狄雖義篤人心人思自奮然方剪荆棘奉
宣國恩艱難急難非才不濟吳興男子沈勁清操
著於鄉邦貞固足以幹事若今勁參臣府事人見
既悅義附亦眾勁父充雖侍先朝然其門戶累蒙
曠蕩不審可得特垂沛然許臣所上否升平中燕
慕容恪南侵冠軍將軍陳祐守洛陽衆不過二千
勁自表求配補冠軍長史祐不能以寡衆乃以救
許昌爲名率衆而東奮勁以五百人守洛陽勁志
欲致命欣獲死所城陷被執神氣自若恪奇而將

西吳軍語一
宥之慕容虔曰勁雖奇士觀其志虔終不爲人用
赦之必爲後患遂遇害朝廷聞之贈東海太守

唐吳琪吳頊吳松皮光業林昇羅隱何肅韓必居於
吳興長城之八座山時號八友

南宋元嘉十九年二十年白龜兩見於吳興

唐李恁湖州司馬恁族人弣安吉尉王權湖州文學
孫尚復德清令薛鑄烏程尉姚希齊湖州司功參
軍鄭朗湖州兵曹參軍

徐州小吏李師悅得黃巢僞符璽獻于朝拜湖州刺
史昭宗時師悅又拜忠國軍節度使

泰始六年九月己巳八眼龜見吳興故鄣太守褚淵
以獻

佛川在長城縣西南宋元嘉七年九月忽有石佛自
水中湧出因創精舍以佛川名

咸康二年四月戊午甘露降吳興武康縣庚申又降
元嘉三年閏正月己丑甘露降吳興烏程太守王韶
以表聞

齊大明五年四月辛亥甘露降吳興安吉乙卯降烏
程太守歷陽王子頊以聞

大明七年十二月辛丑朔甘露降吳興烏程令苟卞

之以聞

昇明元年十一月甘露降吳興長城下山太守王奐以聞

朱齡石以鎮軍將軍爲武康令加寧遠將軍喪亂之後武康人姚係祖招聚亡命專爲劫盜所居險阻郡縣畏憚不能討齡石至縣僞與係祖親厚召爲參軍係祖恃其兄弟徒黨疆盛謂齡石必不圖己乃出應召齡石潛結心腹知其居北塗徑乃要係祖宴會叱左右斬之乃率吏人馳至其家掩其不備莫有得舉手者悉斬係祖兄弟數十人自是一

郡得清

南宋王僧虔爲烏程令家貧子韶之因居縣境好史籍博涉多聞韶之後爲吳興太守

吳興太守張邵始以疾篤報其子敷敷往奔省自發都至吳興邵卒成服凡十餘日始進水漿卒畢不進葢菜遂毀瘠未暮亦卒

武康沈叔任勁之孫赤黔之子少有質幹從朱齡石伐蜀功亞於元帥巴西梓潼疆宗侯勵羅興聚衆萬餘人作亂攻城叔任兵不滿五百推布腹心衆莫不爲用出擊大破之功封寧新縣男拜益州刺

史

叔任之子演之年十一劉柳見而知之曰此童終爲
令器家世爲將而演之折節好學讀老子百遍
以義理業尚知名歷官至國子祭酒本州大中正
轉吏部尚書領太子右衛率

演之仲子勃即褚淵所襲與丘靈鞠並稱者勃雖琴
書自業有美稱而輕躁耽酒奢淫過度不逮前人
遠矣

唐許渾雲溪詩云山斷水落愁人西路長笙歌
遠棹風雨前華堂紅燭照秋燭翠簾凝曉香誰堪
從此去雲側滿陵陽

唐有湖州司馬問李白是何人白以詩答云酒肆
名四十春青蓮居士謫僊人湖州司馬如相問金
粟如來是後身司馬失其姓名可謂不知子都之
姣者矣

南宋裴松之義熙初爲吳興故鄣令在縣有績入爲
尚書祠部郎

陳武陵王伯禮大建初爲吳興太守在郡恣行暴掠
後爲有司所劾十一年被代徵還遂遷延不發爲
御史中丞徐君整劾免

義熙五年吳興武康民王延祖為劫父睦以告官新制身斬刑家人棄市睦既自告於法有疑時何叔度為尚書議曰設法止姦本於情理非一人為劫闔門應刑所以罪及同產欲開其相告以出為惡之身睦父子之至容可悉共逃亡而割其天屬還相縛送整毒在手解脫求全於情可憫理亦宜宥使凶人不容於家逃刑無所乃大絕根源也睦既糾送則餘人無應復告並全之

武康縣有封禺二山蓋古防風氏之國也晉元康初人有早起詣縣者見一偉人坐於縣之門樓身長

數丈垂膝至地大驚忽不見時縣令賀循

古防風氏國豈其神乎遂為建廟唐元和間

吳越錢鏐微時嘗禱於廟有驗封靈德王令

於二山之間有吳越風山靈德王廟記每歲以

月二十五日致祭列在祀典

宋方臘作亂歸安人陸行兒台黨應之

錢九隴字永業長城人父文疆為吳明徹裨將與明

徹俱陷敗彭城入隋以罪沒唐公為奴因得事焉

九隴善騎射常備左右兵起以功授金紫光祿大

夫從征薛仁果劉武周累擢右武衛將軍從平洛

陽佐太子建成討劉黑闥以功最封郟國公改巢國卒謚曰勇葬陪獻陵又許敬宗女嫁九隴

沈道虔武康人好老易居縣北石山下縣令庾肅之迎出縣南廢頭里爲立小宅臨溪有山水之玩時復還北與諸孤兄子共釜庾之資郡州府凡十二命皆不就有人竊其園菜者還見之乃自逃隱待竊者取足去後乃出人拔其屋後筍令人止之曰惜此筍欲令成林更有住者相與乃買大筍送與之盜慚不取置其門而去鄉里年少相率受學皆有成南宋太祖聞之遣使召問賜錢米不資悉以嫁娶孤兄子徵員外散騎侍郎不受道虔年老菜食無餘復之資而寒書爲無衣夜不倦元嘉二十六年卒時年八十一

武康人慈寺唐大曆中僧神悟欲鑄寺鍾方作念間忽聞空中有聲徹數十里及鍾成聲聞果如其遠朝命致都下中途鍾忽自躍入水求之不得寺有神鍾記縣令韓章撰

孝建三年七月庚午嘉禾生吳興武康縣

太始二年九月壬寅白龜見吳興烏程太守郗顯以聞

元徽四年十一月乙巳吳興烏程余山道人慧獲蒼壁玉太守蕭惠明以聞

晉永嘉五年儼鼠出延陵此毛蟲之孽也郭璞筮之曰此郡東之縣當有妖人欲稱制者亦尋自死矣其後吳興徐馥作亂殺太守袁粲馥亦尋城是其應也

南宋元嘉二十九年吳興東遷上皇恩度婢齋與狗通好如夫妻解年

齊故鄆縣風樹連理兩株相去七八八圍去地一丈仍相合為樹泯如一本

永明二十七年烏程縣陳文烈家生連理木

南宋臨海王士瑱為冠軍將軍吳興太守以殷琰為尉事參軍行都事

吳興餘不鄉有女因山又曰女獄山漢沈恢以柯田山水嘉其謙居其女泄之於姻沈戎家奪之恢憤其女賤女歸寧囚之苧溪之北山墟間至死不悔仍戒其後二世不得舉女即其山也

宋時雷擊德清覺海寺殿柱上有鬼書十二字云酉侯李約火攸例火謝均思通皆倒書張敏叔詩云殿柱倒書雷部火是也

沈慶之字承先武康人晉末孫恩作亂使其眾寇武

康慶之未冠隨鄉族擊之屢捷由是以勇聞年四十

未知名兄敞之為趙倫之參軍監南陽郡擊蠻有

功慶之往省兄倫之見而賞之南宋元嘉中討雍

州蠻慶之嘗患頭風好着狐皮帽群蠻惡之號曰

蒼頭公每見慶之軍輒相驚懼曰蒼頭公後來

矣文帝使王玄謨北伐慶之固諫因與徐湛之辯

難曰為國譬如治家耕當問奴織當問婢今欲伐

國而與白面書生謀之事何由濟軍果無功嘗與

斌論退師坐者笑曰沈公乃史學問慶之曰衆

人雖知古今不如下官耳學也慶之討黃賊黃

誕遣沈道愨齎書說慶之餉以王環刀慶之不

以罪惡不受討之慶之奉武陵王駿討太不

之立為孝武屢建大功官歷顯宦家素富厚然

退廢然手不知書學不識字世祖逼令作詩顏

伯執筆慶之口授曰微命值多幸得逢時運昌何

老筋力盡徒步還南岡辭榮此聖世何媿張子房

初孝武欲起慶之使何尚之往諭之慶之笑曰沈

公不效何公往而復返尚之慙而退後以國難復

出廢帝狂悖累疏力諫帝忌之賜死慶之年八十

初慶之夢有人以兩疋絹與之謂曰此絹足度慶之乃謂人曰老子今年不免兩疋八十尺也是度無餘盈矣

沈攸之字仲達慶之從父兄叔仁子以民丁發配劉遵考以爲形陋不堪攸之曰昔晏嬰身不滿六尺爲齊相今取士求肥大者邪赭沂之戰從子懷寶爲賊將帥遣親人楊公讚齋密書招誘攸之攸之斬公讚以書呈太宗尋尅赭圻太宗令攸之進圍彭城攸之以清泗既乾糧運不繼固不肯往太宗強之行後諸將果敗只興丘幼彌丘隆先沈誕沈榮並皆陷歿出督江陵時蕭道成謀移宋祚少帝見弑攸之奮然曰吾寧爲王陵死不作賈充生與道成書云足下既有賊宋之心吾敢捐包胥之節攸之在郢州曉吏事自強不息聞有虎輒自圍捕在江陵有二象在城北自出格殺之及舉兵討蕭道成使沙門僧桀筮之曰不至京邑當自郢州回還攸之不悅江津有雲氣如塵霧從西北來正蓋軍上將兵攻郢州爲柳世隆所敗追還江陵聞城已爲張敬兒所據與子文和投贛頭林俱自經死攸之晚好讀書嘗嘆曰早知窮達有命恨不十年

讀書攸之賤時與吳郡孫超之全景文共乘小舟至京都三人共引上埭有相者曰君三人皆當至方伯攸之曰豈有三人俱有此相相者曰骨法如此若有不驗便是相書誤耳其後攸之荊州超之廣州景文豫州

攸之弟登之以兄死非罪舉兵莫與吳興太守沈文季討斬之文李慶之弟子慶之嘗抑攸之及慶之賜死攸之嘗藥酒至慶之不肯飲攸之以被按慶之死豈文季為之報復耶

沈懷文字思明武康人少好玄理善為文父宣新安

太守丁父憂新安送故豐厚奉終禮畢餘悉班之

親戚一無所留建武中為侍中時營惑守心宋孝

武乃廢西州舊館使子尚移治東城以厭之懷文

曰天道示變宜應之以德雖空西州恐無益也嘗

從出遊幸懷文與王景文坐松樹下風雨甚驟被

召入雉塲懷文曰風雨如此非聖躬所宜冒時顏

峻以諫見殺帝注弩作色曰卿欲效顏峻邪帝每

宴集在坐者皆令沈醉朝譎無度懷文素不飲又

不好朝譎帝謂故異已後竟賜死弟懷遠納東陽

公主養女王鸚鵡為妾元凶劬行巫蠱鸚鵡預謀

撰南越志文集二十卷

唐沈伯儀湖州吳興縣人武后時爲太子右諭德嘗
議郊丘禮歷官祭酒脩文館學士

唐皮日休吳興西塞山宿漁家詩云白綸巾下髮如
絲靜倚楓根坐釣磯中婦桑村挑葉去小兒沙市
買蓑歸雨來蓴菜流船滑春後鱸魚墮釣肥西塞
山前終日客隔波相羨盡依依

棄陸市在德清縣南舊有陸市晉永嘉二年淫雨一
月洪水大發市一日沉墊居人徙而東歲久成聚
謂之棄陸市以其新徙又曰新市

嚴白虎烏程人同時有鄒他錢銅王晟俱作亂吳孫
策討之他與銅先平虎高壘堅守使其弟輿請和
許之輿請獨與策會面約既會策引白刃斫席輿
體動策笑曰聞卿坐躍勤捷不常聊試卿耳輿曰
我見刃乃然策知其無能也乃以手戟投之立死
輿有勇力虎以其死也甚懼攻破之虎奔餘杭投
友人許昭後虎又應萬瑀伺策

國初倪氏歸安人許聘陳敏八敏八從征不返遙以
死聞踰五十載而歸倪氏守志不嫁及敏八歸遂
成婚姻時年六十一 陳年六十八號白頭花燭

宋沈樞安吉人舉進士初調彭澤丞因賜對首論君子小人之辯高宗嘉之除監察御史後遷吏部侍郎會楊邦彥論葉衡援樞爲證嘆曰此張說故事也豈可畏禍而欺心坐是獲譴

德清野橋在縣北三里慈相寺之東跨古澗爲之下瞰方沼上亘石欄群峰環秀乎其西長松覆蔭乎其入境最幽勝

半月泉在德清慈相寺石壁之下晉咸和僧曇卓庵其處鑿石罅如半月得泉清涼甘美名曰靈泉後人卽其形似更名半月覆亭其上蘇軾詩云請得

一日暇來遊半月泉何人施大手擘破水中天呂東萊月泉疏斷崖吐月纔出半規古甃涵星尚懷全璧久矣寶奩之廢時哉玉斧之修護此寒清核其氛翳名高詩社再傳和仲之符價重帝城復值文饒之運

安吉尉潘方仲矩戲贈沈詹事詩云昔年單騎向筠州覓得歌姬共遠遊去日正宜供夜值歸來渾未識春愁禪人尚有香囊愧道士猶懷炭婦羞鐵石心腸延壽藥不風流處却風流沈坐貶筠州售一少妾處筠七年歸而還其父母猶處子也類張忠

定公事故潘詩云

十山一名弁山高六千尺爲吳興主山周處風土記云形似弁舊志作卞云是卞和採玉之處談誌云山出似玉之石人謂之瑾琨故以卞名之恐皆不然按弁下古字通用今遙望府治之後此山儼然獨尊若冠弁狀當作弁山山氣甚盛將雨即不見山墟名云卞山峻極非清秋爽月不見其巔蓋雲霧常封耳徐陵孝義寺碑云高弁蒼蒼遙聞天語山夏有積雪多蝮蛇惟獸有沈家遊洞黃龍洞青龍洞龜洞金井玉澗乳竇石膏溫泉其陰有碧巖瀑布泉自八百磴攀緣而上下臨太湖有玲瓏巖石皆空洞巖業其陽塢有石林山之東麓有石篋其高數丈晉太守殷康欲開會風雨乃止葉夢得詩云山勢如冠弁相看四面同歸鳥縣門近蒼雲水源通白鶴嶺盤峻黃龍洞竅空登臨舒老眼何用剉崆峒趙孟頫詩云出郭聞爲語穿林散馬蹄澗松何鬱鬱春草又萋萋白石那堪煮丹厓尚可梯平生愛高興只合此幽棲竹色迷行徑松聲瀉澗隅水清花自照風煖鳥相呼飲罷思琴石歌殘缺唾壺重來蕭灑地聊足慰須臾黃玠詩云黃龍

洞口晚雲收白鶴廟前春水流二百年來鮑君宅
看花看柳到溪頭杭家楊梅紫栗圓小核大顆又
不酸學得仙人貯冰甕折封應作荔枝看金字題
緘水口茶年年五月送天家音餘小角味儘好自
挈銅瓶汲井花

宋長興令顏度字魯子爲政人不忍欺侮於純朴中
出智巧多得其情有一嫗訟其隣婦盜衣俱至庭
度叱曰小事何得勞有司三人出度復使來曰隣
里不可以此失權如是往返者三度忽指一婦曰
汝爲盜必矣其人堅諱度曰吾三令汝輩出汝獨

先三令汝輩來汝獨後必有歉於心收勘果伏辜
人稱神明後除監察御史

吳興印渚在於潛縣東七十里渚傍有白石山峻壁
四十丈印渚蓋衆溪之下流也印渚已上石瀨不
可行船印渚已下水道無險故行旅集焉王司州
至吳興印渚中看嘆曰非惟使人情開滌亦覺自
月清朗印渚疑在武康界上白石山或是白石洞
天

舊傳周彭祖安吉人齊管仲烏程棲賢山人吳嬰長
興晏子鄉人吳伍員烏程伍村人越范蠡長興人

楚卞和長興人燕荆軻長興荆溪人趙廉頗歸安
項村人蘭相如德清蘭村人漢蕭何吳興人嚴子
陵烏程毘山人西楚霸王項羽歸安項村人晉石
崇安吉人王衍歸安千金人毛寶武康奉口人梁
王僧辯烏程毘山人唐狄仁傑烏程清涇人姚絡
武康人又云丁令威歸安千金人於長興白日升
天姚連烏程白塔巷人白日升天葛僊翁長興人
方山煉丹白日升天徐稚長興人於城中上市白
日升天又張神子武康人水仙也張少卿烏程橫
山人張大帝祖俱不可考

沈文秀南宋司空慶之弟子也嘗因廢帝狂悖勸慶
之圖之不從帝因遣江方興誅文秀會太宗已定
亂獲免嘗守吳興後又守青州北虜圍三年外無
援軍日夜戰鬪甲冑生蟣蝨及城陷文秀戎衣緩
服靜坐命左右取所持節虜既入兵刃交至問曰
青州刺史沈文秀何在文秀厲聲曰身是爲虜執
送桑乾永明四年病卒

孫法興吳興人也父遇亂尸骸不收母兄並餓死法
興年小流迸至年十六方得還身勤苦躬行草
宿營辦棺槨造立塚墓葬送母兄儉而有禮以父

喪不測於州境之內尋求枯骨刺血以灌之如此者十餘年不獲乃縷經終身不娶饋遺無汙受南宋世祖初辟爲揚州文學從事不就

南宋卜天與吳興人也元嘉二十九年爲廣威將軍領細仗兼帶榮祿元凶劼入弒事變倉卒舊將羅訓徐罕皆望風屈附天與不暇被甲執刀持弓疾呼左右出戰徐罕曰殿下入汝欲何爲天與罵曰汝是賊射劼於東堂幾中逆徒擊天與臂斷倒地乃見殺後贈龍驤將軍益州刺史謚曰壯侯古卜或在烏程縣南天與所築

元泰定中湖州長興平遠鄉王俊二家牛生一犢龍頭馬尾鱗甲隱起生而即鳴其母及村中牛皆鳴紅光燭天三日而斃知州趙天澤匣而上之

唐武德三年賊將李子通攻陷吳興武康四年吳王杜伏威討子通平之六年又爲輔公祐攻陷明年春趙郡元王孝恭平之

南宋高平人張祐爲武康令著能名爲長吏首稱

王道乞烏程人涉學善書形貌又美吳興太守王韶之謂人曰有子如王道乞無所少始興王浚以爲世子師以書補中書令史

道乞弟道隆亦知書爲太宗所委和謹自保不妄毀
傷人元徽二年桂陽王休範叛犯闕見殺平車
駕臨哭贈輔國將軍益州刺史

南宋潘濬上言所統吳興郡衿帶重地又多污澤泉
流歸集䟽決遲壅時雨未過已至漂沒或方春輟
耕或開秋沉稼田家徒苦防遏無方彼邦輿區地
沃民阜一歲稱稔則穰及京城時或水潦則數郡
爲災頃年以來儉多豐寡雖賑乏周給傾耗國儲
公私之弊方在未已州民姚嶠比適便宜以爲二
吳晉陵義興四郡同著太湖而松江滬瀆雍噎不

利故處處涌溢浸漬成災欲從武康紆溪開瀆
湖直出海口一百餘里穿鑿渠浚必無閼滯自大

踐行量度一十許載云十一年大水已詣前刺史

臣義康欲陳此計即遣主簿盛曇恭隨嶠周行互
生疑難議遂寢既事關大利宜加研盡登造議曹
史虞長孫與吳興太守孔山上同共履行准望地
勢格平高下其川源由歷莫不踐按圖畫形便詳
加竿考如所較量決謂可立尋四郡同患非獨吳
興若此浚獲通列邦蒙益不有暫勞無由永宴然
興創事大圖始當難今欲且開小漕觀試流勢輒

差烏程武康東遷三縣近民即時營作若宜更增
廣尋更列言昔鄭國敵將史起畢忠一聞上說萬
世爲利嶠之所建雖則芻蕘如或非妄庶幾可立
從之功竟不立

餘不鄉韶村梁天監五年青州刺史沈子真宅一夕
鍾磬自鳴堂前井中放出毫光八道俄有龍騰空
而去子真遂捨宅爲八聖寺吳越王鏐嘗病目取
此井水洗之即愈因賜旃檀作井欄宋太宗賜御
書秘藏詮佛賦律詩迴文逍遙咏急就章四十二
卷函于寺高宗降御香省劄許比慈感聖壽兩寺
免諸色科宋陳堯佐八聖寺詩六八聖當時不易
聞今朝停棹宛然存兩行翠竹欹僧檻一派清波
遶寺門禪席每分天外月講鐘時出水邊村幽懷
至此忘歸計不覺踟躕日又昏

菴盡溪在長興縣西古木夾岸叢篠翳其下朱藤施
其上如是者十里花時遊人競集舊有菴盡亭宋
劉壽詩云竹林深處杜鵑啼兩岸青青草色齊欲
識人間真菴盡朱藤倒影入清溪

梁王琰爲吳興令著宋春秋二十卷

永明八年詔吳興水淹過度開所在倉賑賜

梁太平元年曲赦吳興郡罷震州復還吳興郡

齊建元元年張瓌出爲征虜將軍吳興太守三年烏

程令顧昌玄有罪坐不糾瓌免官

王僧虔泰始中出爲輔國將軍吳興太守秩中二千

石先是王獻之善書爲吳興郡及僧虔工書又守

吳興論者稱之後僧虔不禮佞人阮佃夫佃夫言

於明帝使御史中丞孫夔奏僧虔前蒞吳興多有

謬命檢到郡至遷凡用功曹五官主簿至二禮吏

署三傳及度與弟子合四百四十八人又聽民何

諒先等一百八家爲舊門委州檢削坐免官

唐李郢和湖州柱員外冬至日白蘋洲見憶云白蘋

亭上一陽生謝眺新裁錦繡成千嶂雪消溪影綠

幾家梅綻海波清已知鷗鳥來相狎可許汀洲獨

有名多愧龍門重招引即拋田舍掉舟行

齊沈冲字景綽武康人懷文之子冲與兄淡淵名譽

有優劣世號腰鼓兒兄弟並歷御史中丞兄弟三

人皆爲司直人未有也淵管劾吳興太守袁彖彖

弟昂爲中丞到官數日奏彈深子續父在傲白憶

車免官禁錮冲毋孔氏在東隣家失火疑爲人所

焚焚大呼曰我三兒皆作御史中丞與人豈有善

者方恐肌分骨散何但焚如兄弟後並歷侍中武帝方欲任冲尋卒追贈太常諡曰恭子

宋周常字仲修建州人蔡京用事不能容以寶章待制出知湖州

張杓字定叟魏公浚之長子宋高宗時督理浙西荒政蘇湖二州皆闕守杓兼攝焉有執政姻黨閉糶杓首治之

隆興元年八月湖州大風水乾道元年六月湖州水壞圩田開慶十年八月安吉武康水

家王信字誠之麗水人紹興三十年進士知湖州信

未志州縣按據剖折敏如流泉史論信有文學通政專

葛僊山在烏程縣南晉葛洪隱此有煉丹灶搗藥臼職方圖誌云葛洪煉丹處天下十有三烏程居其一即此山也

南宋蕭惠開爲吳興太守有文集七卷

沈豐字聖通烏程人漢永平二年爲郡主簿後爲零陵太守政尚寬平市無刑戮推賢尚能士民感化在郡數年有紫芝甘露之瑞

晉鈕滔吳興人嘗舉孝廉有文集十卷又爲松陽令

母孫瓊有集二卷今歸安縣東十里有宋御史中丞鈕滔墓蓋滔晉人仕於南宋耳

唐玄宗開元十六年自擇廷臣爲諸州刺史蔣挺自國子司業授湖州凡十一人行詔宰相諸王御史以上祖道洛濱盛具奏太常樂帛舫水嬉命高力士賜詩令題座右帝親書且給紙筆令自賦賞絹三千遣之帝詩云眷言思共理鑿窾想惟良猗與此推擇聲續著周行賢能既俟進黎獻實佇康視人當如子愛人亦如傷講學試誦論阡陌勸耕桑虛譽不可飾清知不可忘求名迹易見安直德自彰獄訟必以情教民貴有常恤俾且存老撫弱復綏強勉哉各祇命知予眷萬方

宋安定胡先生冀在何山先生名瑗字翼之海陵人范仲淹薦白永崇政殿教授湖州置經義治事齋以倡明體用之學以身先之雖盛夏必公服坐堂上嚴師弟子之禮視諸生如其子弟諸生亦信愛如其父兄從遊者嘗數百人東南文學之盛自先生始慶曆興太學下湖州取其法著爲令遷侍講天章閣待制卒葬於烏程之何山其子杭州察推亦葬於傍蔡襄誌銘歐陽脩表元至元中墓爲何

山廣化寺僧所侵總管郝鑑復其墓又有書院在郡城中春秋祀之按傳先生卒於杭豈湖之弟子迎其喪以葬於湖邪

唐秦系贈烏程楊萃明府詩云束杖政成時清溪弄釣絲常年潘子貌避病沈侯詩漉酒迎賓急看花署字遲楊梅今熟未與我兩三枝

元徽四年十一月乙巳甘露降吳興烏程太守蕭惠明以聞

烏程縣西余山漢文帝封東海上搖之子為顧余侯此也後坐酬金失國山有青雪亭有西余寺

僧道孜作壽藏乃得古塚塚刻字云晉咸康間

大夫劉造并妻官氏共葬于此弄雪亭記知州胡宿撰在大學寺

衡山一名橫山在烏程縣南兩山夾立中流北駛為郡城南形勝之地左傳襄公三年楚子重伐吳克鳩茲至于衡山杜預註衡山在吳興烏程縣南即

此也又有鳩茲城晉初吳興衡山崩見顓頊象中有營丘圖九首鳩茲顏真卿石柱記亦云山上有顓頊冢春秋鳩茲城

萊甫字廣微秘書省正以論事出通判湖州考常平

弊源以增貯積核隱產增附嬰兒局史臣論甫學
有本源善達其用持節所過其民至今思之

唐施肩吾安吉天寧寺聞磬詩云玉磬敲時清夜分
老龍吟斷碧天雲隣房逢見廣州客曾向羅浮山
裏聞

石柱碑唐刺史顏真卿書記紀載吳興郡境山川陵
墓之類

梁何遠字義方剡人爲武康令厲廉節除淫祀正身
率職不徇人以非禮吳興太守王彬行部諸縣皆
盛世帳以待遠特設糗水而已彬去遠送至境進

斗酒雙鸞而別彬感嘆曰卿禮有過陸納將不爲
古人所笑乎武帝聞其能擢宣城太守

王帶潮在安吉銅山鄉許夫人墓前早晚兩潮高尺
許

呂午字伯可歙縣人宋嘉定四年進士授烏程主簿
郡守置之幕下事一決於午守張忠恕丞相浚之
孫薦午猶力時忠恕之母就養而時時躬致簿聽
迎午二親入郡與午皆衣綵衣奉觴上壽邦人榮
之

宋皇祐四年二月詔蠲湖州民所貸官米嘉泰十一

年六月詔湖州振恤被水貧民

宋濟國公竑寧宗賜名貴和立為皇子又改賜名竑後與丞相史彌遠有違言寧宗別彌遠矯詔立貴誠改賜名昀為理宗封竑為濟王賜第湖州以醴泉觀使就第寶慶元年正月庚午湖州人潘壬潘丙潘甫謀立濟王竑竑聞匿水竇中壬等得之擁至州治以黃袍加其身竑泣不從不獲已與之約曰汝能弗傷太后官家乎眾許諾遂發軍資庫金帛會于犒軍守臣謝周卿率官屬入賀壬等偽稱李全以精兵二十萬助討史彌遠擅廢立之罪比

明視之皆太湖漁人及巡尉兵卒不滿百人竑知其謀不成州兵討之遣王元春告于朝彌遠令殿司將彭任討之至則事平彌遠令客秦天錫託召醫竑疾竑本無疾天錫詣竑諭旨逼竑縊于州治劉克莊譏彌遠詔擅殺詩云楊柳春風丞相府梧桐夜雨濟王家

潘丙潘壬太學生也事敗各梟首史彌遠欲屠湖州城彌遠夜夢中見李侯太尉求免遂追回大統制一城生靈俱拜李侯更生之賜至今長興李侯廟人民敬祀以報其威靈也

富陽孫守榮七歲病警遇異人教以風角鳥占之術
號富春子寶慶間遊吳興聞樵樓鼓角聲驚曰方
且有兵變士人當有典郡者遇王元春即賀之曰
典郡者必君也元春初不之信越兩月潘內作亂
濟王命元春告變朝廷以其有功果令典郡

夢馬堂宋紹興三年四月二日朱勝非卜地于吳興
華嚴山嘉會寺前葬其母夜夢十騎入山衣服錦
繡鞍勒鮮華回旋寺前以一馬係於林中餘復馳
去次夕又夢有衣冠之士容狀其偉蹠其二足入
寺廣聲言我定地寺有寄居石六順秀才亦夢之

因請于朝以嘉會為墳寺以崇因薦福塚前起獻
堂以夢馬扁之

東遷縣在烏程縣東晉太康元年分烏程東鄉置東
遷縣晉周禮為東遷縣侯

叢桂堂在安吉縣東一里宋紹興間朱三思三省兄
弟叔姪一門赴南宮者二十有七人其時會宴于
此鄉人榮之號曰叢桂堂

宋武康人朱泰家貧鬻薪養母常過數十里外易甘
旨以奉母泰服食粗糲戒妻子常候母色一日鷄
初鳴入山及明憇于山足遇虎搏攫負之而去素

已瞑眩行百餘步忽稍醒厲聲曰虎爲暴食我
恨母無托爾虎忽棄泰于地走不顧如人疾驅狀
泰匍匐而歸母持以泣泰亦強舉動不踰月如故
鄉里聞其孝感率以金帛遺之里人目爲朱虎殘
宋末天目山崩水涌流安吉臨安餘杭民溺死者二
筭識者謂天目臨安主山也山崩宋將亡之兆

元兵入建康臨安震恐遣張濡戍獨松關郁天興戍
四安鎮趙淮戍銀杏油壩張世傑遣閻順進軍廣
德後閻順戰安吉縣復取鳳平張濡部曲害元行
人嚴忠範于獨松關執廉希賢送臨安因免安吉

縣和

元兵發建康叅政阿剌罕四萬戶總管魯魯赤將石
四安鎮趙淮戍獨松關遂破四安鎮正將胡明死
之破獨松關馮驥死之張濡遁鄰邑

法華山在烏程縣西北東有石塢舊名石斗山昔有
樵夫得青蓮一枝掘地有石匣一童子舌根不壞
花自舌出是人誦法華經致此勝果因名法華山
王羲之嘗登此顧親友曰百歲之後知我曾遊此
否蘇東坡題法華山寺再次前韻上賈耘老詩云
其區吞滅三州界浩浩湯湯納千派從來不着意

斛船一葦漁舟恣奔快僊壇古洞不可到空聽
瀾鳴泝泝今朝偶上法華嶺縱觀始覺人寥隘山
頭卧碣吊孤冢下有至人僵不壞空餘白棘網秋
蟲無復青蓮出幽恠我來徒倚長松下欲搥茯苓
親洗曬聞道山中富奇藥往往雲芝雜蔡雍詩人
空腹待黃精生事只有長柄械今年大熟期一飽
食葉微蟲真癩疥賈云今年有小虫食葉不甚為害白花半落紫
穉香攘臂欲助磨鎌斲安得山泉變春酒與子一
洗尋常債又云長松攬天龍起立蒼藤倒谷雲崩
壞仰芽蒙密袍清曠一覽震澤吁可怪疑此山即

梁尼總持所建法華寺地童子者或是總持之徒

弟子

宋盛度餘杭人嘗知湖州民有抵茶禁者受千錢立

契代鞭背

曾公亮字明仲晉江人宋進士知會稽縣坐父買田

境中謫監湖州酒稅

宋胡宿字武平晉陵人知湖州前守滕宗諒大興學
校費錢數十萬宗諒去通判僚亞皆疑以為欺不
肯書歷宿誚之曰君輩佐滕侯久矣苟有過盍不
早正乃陰拱以俟其去而非之豈昔人分謗之意

乎坐者大慚謝其後湖學爲東南最宿之力爲之
築石塘百里捍水患號曰胡公塘學者爲立生祠
宋徽宗時豐稷論徐鐸編類元祐諸臣章牘事狀率
視章惇好惡存沒名臣橫罹竄斥鐸之罪不下蹇
序辰詔鐸落職知湖州

南宋虞玩之字茂瑤會稽餘姚人也少閑刀筆仕爲
烏程令路太后外親朱仁彌犯罪玩之依法按之
坐免官

鷗波亭趙子昂遊息之所在宣西江于滙上今改旗
蘇廟

宋盧革字仲辛德清之永寧鄉人少舉童子知杭州
馬亮見所爲詩嗟異之秋貢士密戒主司勿遺革
革聞而語人以私得薦吾耻之去弗就後二年
遂首選至登第年才十六慶曆中知龔州經畫蠻
寇後知泉婺二州提點廣東刑獄福建湖南轉運
使復請外神宗謂宰相曰革廉退如是宜與嘉郡
遂爲宣州以光祿卿致仕用子秉恩轉官朝廷數
賜詔慰勉時以爲榮卒年八十一

革之子秉字仲甫未冠有雋聲中進士甲科浮湛州
縣二年人無知者王安石得其聲間詩識其靜

四吳里語
五
薦置條例司嚴督鹽法進發運使請賑東南饑
知渭州夏酉仁多鬼丁舉國入寇秉設機與戰鬼
丁敗死詔賜服馬金幣後知荆南劉安世論其行
鹽法虐民降待制提舉洞霄宮卒

宋唐詢彥守湖州時蘇舜欽除名居姑蘇與唐善因
拏舟自蘇訪之湖有報本長老居簡有異術善知
人唐因謂居簡使相蘇簡曰試使來院中蘇他日
往過簡簡乃設食其榻留之竟日遂留宿中夜簡
乃登卧榻若聽其息者蘇覺乃矜其臂石切脉然
良父曰來得也曷吳人謂更無他語他日唐問簡

簡亦以前四言對之唐亦不曉蘇將行又過簡因
問之曰來得也曷是何等語眾簡從容曰若得一
州縣官肯起古蘇大不喜因不復言已而舜欽以
明年蒙恩牽復為湖州別駕遂不赴官無幾物故
湖州高彥司徒夢見一道士仗劍至卧內高問彼何
人答曰來作司徒之子要戮數千寃讎高驚說之
其妻是月有孕暮生一子精神俊利名曰禮年十
三四心奸詐後繼父之位殘害生民動惟傷殺醉
怒一婢因而斬之後頻作祟照鏡見其形禮甚惡
之謂親密者曰我前後殺人多矣或衙內宿舊以

軍中勲列皆無滯魄偶勦一婢彷彿在焉有善者求以壓之親密者乃言道士葉孤雲精於符籙請佩之禮如其言果絕影響

阮公溪在武康縣西前溪上流也梁石靈寶本餘姚

人寓居武康生女有姿容天監年選爲采女生元

帝爲脩容賜姓阮氏拜其父爲朝請時人因名其

所居之溪曰阮公溪溪中有大青石曰美人石

衡字子平浦城人宋嘉祐二年進士第一通判湖

州

衡字德侔德清人第進士宋崇寧中擢監御史請

甄上十事言花石擾民主木弊國冗費多恩澤濫

議論異同下情睽隔其論寸夾錫錢最爲剗當進

殿中侍御史正內監之罪蔡京興蘇州錢獄欲陷

章絰兄弟株連至千百啖畸以美官往成其獄畸

嘆曰爲天子耳目司而可傳會權要殺人以苟富

貴乎至蘇即日央釋無佐証者七百餘人閱實平

反以聞京大怒貶畸監信州酒稅未幾卒復羈管

明州使者持勅至家將發館驗實畸子濬泣訴乃

止建炎初贈龍圖學士濬官至右正言

韻海樓唐大曆七年郡刺史顏真卿在郡建於上

李峴陸羽僧皎然等著韻海鏡源三百六十卷四
以爲名皎然奉和顏使君絳韻海樓畢州中重宴
詩云世學高南郡身封盛魯邦九流宗韻海七字
揖文江惜賞雲歸蝶鬪歡月在牕不知名教樂千
載與誰雙

蜃館在郡城中江干滙世傳有蜃棲于下往往噓氣
成風艦蓬屋瓦悉爲飄蕩昔時溪側有井一口時
出火燄忽有道人來書符投井中火燄隨出燃燒
道人鬚眉人稱此井通蜃窟又嘗有久淘井方繩
下便覺寒凍急出言不能出而死其後覆其井今

亦不知其處江子澗東有葛仙祠仙翁恐蜃爲
患令民間每歲元宵前後家家鳴鼓以壓之其聲
若曰葛公在葛公在後有見一老人行市中形貌
甚怪聞元宵鼓謂人曰吾聽鼓聲輒頭疼不能堪
奈何奈何忽不見人以爲蜃精

孔姥墩在烏程縣兩昔有孔氏婦少寡有子八人婦
能訓讀書漢哀帝時俱爲郡守故名

五代僧贊寧德清人出家杭州祥符寺著述毘尼時
人謂之律虎錢武肅王禮重之宋興國初召對滋
福殿詔脩高僧傳三十卷卒謚圓明葬杭之龍井

沈與求字必先德清人宋政和五年進士累官殿中
御史建言今日根本正在江浙宜進都建康以圖
恢復時軍儲窘乏與求取古今屯田利害為集議
二卷上之與求知無不言上時有所訓敕每曰汝
不識沈中丞邪參知政事金人將入寇上諭輔臣
曰朕當親總六軍與求贊之曰今日親征皆由聖
斷後與張浚不協遂丐祠官至知樞密院事薨贈
銀青光祿大夫謚忠敏

宋周執羔弋陽人宣和六年進士第一人授湖州司

士曹事

程松字冬老池州青陽人登進士調湖州長興尉松
即諧事韓侂胄者也

五代沈承禮烏程人吳越錢鏐辟置幕府署處州刺

史鏐子元權以女妻之署為府中右職出為台州

刺史元權于佐嗣以承禮掌親兵倣襲位命知威

武軍節度事充兩浙都鈐轄使王師征江南倣遣

承禮率水陸數萬人助平毗陵因攻潤州城中兵

起夜出焚外柵諸將皆欲馳救承禮曰古人有言

擊東南而備西北者此之謂也命士皆擐甲蓐坐

堅壁不動他壘不設備者悉驚擾獨承禮所部敢

不敢窺丹陽平遂率兵抵建康李煜歸朝錄其功
真授福州節制太平興國初俶盡獻浙右地徙承
禮鎮密州八年卒年六十七廢朝二日贈太子太
師中使護喪

靜蛙池在安吉縣常樂寺側蛙鳴聒耳開山肇法師
剪紙蛙投之即止

宋忠清盧知原字行之以父任拜官王黼當國知原
抗疏言黼費出無藝改江西轉運來意經理綱運
高宗即位知温州設備賊不敢近高宗東幸知原
由海道運粟及金繒至台州召見稱獎進秩在郡

四年民繪像祠之

知原弟法原字立之嘗爲吏部尚書以官秩屢歷總

爲其功過殿最開卷瞭然更不能欺出爲川陝

宣撫副使與王燮回被叛將史斌復興州時叛兵

自秦隴窺蜀法原極意撫循人心稍安會兀朮攻

關爲吳玠所敗法原素與玠不睦玠因劾秦法原

高宗手詔詰問法原自辯甚力上頗不直之憂恚

卒于軍始法原在川陝帝謂兄知原曰朕方以川

陝付汝弟蓋兄弟皆以死見稱於世故並用之也

法原之祖盧政議有詩云青衫白髮老參軍旋羅

黃梁買酒鑄仁得有金龜客醉也腸駢馬上人門
膾炙人又有一絕十月都門風薄衣搗砧聲裏鴈
南飛野人不識長安樂且起鱸魚一釣肥

吳里語一終

黃梁買酒鍾仁得有金龜客醉也腸騎馬上人門
膾炙人又有一絕十月作風薄衣搗砧聲裏雁
南飛野人不識長安樂且起鱸魚一棹肥

吳皇語一終